



UNIVERSITÄTS-
BIBLIOTHEK
PADERBORN

Universitätsbibliothek Paderborn

Novæ Observationes Et Additiones Ad A. R. P. D. Bartholomæi Gavanti Congreg. Cleric. Regul. S. Pauli ac Sac. Rit. Congregat. Consultoris Commentaria In Rubricas Missalis Et Breviarii Romani

Adjectis Summorum Pontificum & Sac. Rit. Congreg. Decretis usque ad
præsens emanatis

Complectens omnia Gavanti Commentaria in Rubricas Breviarii - Cum
Indicibus Decretorum, Rerum atque Verborum notabilium

Merati, Gaetano Maria

Augustæ Vindellicorum, 1740

VD18 10783695-002

Monita

urn:nbn:de:hbz:466:1-39775

M O N I T A

In celebrandis per Triduum ex Indulto Apostolico sollemniis Beatificationis cujuscumque Christi Martyris, seu Confessoris, observanda in Ecclesiis Ordinis Minorum SANCTI FRANCISCI Cappuccinorum.

I. Statuendi sunt dies magis congrui per Ordinarium, & Superiorem Loci, seu Conde Indulgentia plenaria inibi lucranda.

II. Ornanda erit Ecclesia omni meliori studio, ita tamen, ut nostri Instituti Paupertas, & tantæ simul Sollemnitatis Testimonia in ea undequaque resplendant.

III. Prima, vel alia die Tridui recitandum erit in Choro Officium Beati totum de Comuni, quemadmodum fuerit in Brevi Beatificationis præscriptum, sub Ritu Duplici Majori.

IV. Die, quo celebratur Officium, omnes Missæ erunt de Beato, quæ etiam à confluentibus utriusque Cleri Sacerdotibus poterunt celebrari, ut ex Brevi solet constare.

V. Missa erit pariter de Communi cum GLORIA, & Oratione, quæ fuerit lecta in Missa Beatificationis, & quemadmodum in eadem Missa dicitur CREDO, sic etiam in Sollemniis ejusdem Beatificationis, quæ celebrantur in Partibus, sive extra Urbem, dicendum erit. Observandum tamen, quod hac excepta occasione in Missis de Beatis non ponitur CREDO, nisi fortè eorum Festum occurrat in die Dominico, vel infra aliquam Octavam, cujus ratione aliàs dicendum foret.

VI. Prævidendum erit, ne prima die, aut alia, in qua recitatur Officium Beati, occurrat Festum altioris Ritus, sed potius inferioris, quod & erit transferendum ad aliam diem juxta Rubricas Breviarii Romani.

VII. In cæteris diebus Tridui recitatur Officium quod occurrit in Calendario, & celebrantur Missæ, quæ concordant cum eodem Officio, ac una tantum Sollemnis de Beato ob concursum Populi &c. non omiſſa tamen Conventuali de die ante Sollemnem de Beato.

VIII. In Missis concordantibus cum Officio diei, dummodò non occurrat Festum primæ Classis, præter Sollemnem de Beato, quæ communiter admittitur, videtur tolerabilis aliqua memoria, seu Commemoratio de eodem Beato etiam in aliis Missis.

IX. Si autem secunda, vel tertia die Tridui occurrat Festum Semiduplex, præter Sollemnem de Beato, & Conventualem de die, tolerabiles judicantur nonnullæ aliæ Missæ de eodem Beato, ratione continuationis Sollemnitatis, concursus Populi, Ampliationis Cultus, Apparatus, Indulgentiæ &c.

X. In tribus his diebus in Ecclesia, ubi aguntur Sollemnia Beatificationis, nullo modo celebranda erunt Missæ de Requiem, ob disconvenientiam, & incongruitatem, quam habent cum Festo quod actualiter celebratur.

XI. Hac Sollemnis Tridui occasione excepta, non permittunt Rubricæ celebrare infra Annum Missas votivas de Beatis, sed tantum Festivas in die Natalis, seu felicitatis Obdormitionis eorumdem Beatorum.

XII. Cum nihil reperiatur apud Nos determinatum circa Exercitia, aut Functiones peragendas, vel præstandas in honorem Beati tempore Tridui, Superiorum Provincialium, & Localium erit, præscribere ea, quæ magis in Domino opportuna judicaverint ad promovendum Cultum, fovendamque Devotionem erga Beatum, de quo celebrantur Sollemnia.

Hæc Methodus, quæ servata fuit, ex Peritorum in Sacris Ritibus consilio, à Patribus Cappuccinis in celebrandis sollemniis Beatificationis Servi Dei Josephi à Leonissa, recentè sequuta in sacrosancta Basilica Lateranensi, ubi publicatum fuit Diploma Apostolicum Clementis XII. poterit juxta pro ditione aliorum Regularium, vel aliorum, quibus occurrat occasio celebrandi in propriis Ecclesiis similem sollemnitatem alicujus Servi Dei noviter Beatorum Fastis adscripti.